

**Ukiumi missingersuusiortusumi 2013-imi kommuninut
ataatsimoortumik tapiissutissat pillugit isumaqatigiissut**

Kommuninut 2013-imi ataatsimoortumik tapiissutit 1.130.373.000 kr.-inik annertussuseqassapput. Ilanngussaq 1-imi takuneqarsinnaapput ataatsimoortumik tapiissutissat 2012-imut sanilliullugu qanoq allannguuteqartinneqarnersut. Isumaqatigiissummi immikkoortut assigiinngitsut uani ataani allaaserineqarput.

1. Akinut akissarsianullu iluarsiiisutit

2012-imut ataatsimoortumik tapiissutissat pillugit isumaqatigiissummi aallaaviupput 2013-imi ataatsimoortumik tapiissutaasussat 1.155,4 mio. kr.-it, tassanilu ilaallutik PPR-ip aammalu annertusisamik immikkut atuartitsinerup tunniunneqarnerat.

2013-imut isumaqatigiissummi ilaapput kommunini inatsisit naapertorlugit ineqarnermut tapiissutinut aammalu siusinaartumik soraarnerussutisianut aningaasartuutit inaarutaasumik akilerneqarnissat, katillugit 129,3 mio. kr.-inik annertussuseqartut. Kiisalu ataatsimoortumik tapiissutinut aamma ilaapput kuuffiit eqqaaviusut iluarsaanneqarnissaannut aningaasat atorneqartussat 21,5 mio. kr.-it, taassumalu paarlattuanik aningaasanut inatsimmi 6 mio. kr.-inik kommunit aningaasaataannit immikkoortitsisoqartoq Danmark-imi inissiisarnernut qitiusumik aningaasaliissutinut immikkoortitanut.

2013-imi ataatsimoortumik tapiissutissat pissutsit siuliani eqqartorneqartut isumannaareerlugit 1.011,8 mio. kr.-inik annertussuseqarput.

Naalakkersuisut 2013-imi aningaasanut inatsisissatut siunnersuummi siunnersuuteqarput Namminersorlutik Oqartussat ingerlatsinermut aningaasartuutaannut kommuninullu ataatsimoortumik tapiissutinut akit qaffakkiartornerannut iluarsiiisutaasartussamik

Naalakkersuisut isumaqarput pisortat ingerlatsivii, tassunga aamma ilanngullugit kommunit akit qaffakkiartorneranni inuinnaat inuuniarnerminnut aningaasartuutaattulli eqqorneqartanngitsut. Naalakkersuisut 2,08 %-inik akinut akissarsianullu iluarsiiisuteqarput, siornatigut naatsorsueriaaseq tunngavigalugu 2,53 %-siusussaasimagaluartoq.

KANUKOKA-p akinik nalimmassaasarnermut aaqjissuussinerup atuuttup allanngortinneqarnissaa isumaqatiginngilaa, isumaqarlunilu piffissaq eqqortoq tassaassasoq missingersuusiortarneq pillugu suleqatigiinnermut isumaqatigiissutaasussap nutaassap atortuulersinneqarnissaa.

Naalakkersuisut akinut akissarsianullu iluarsiiisuteqarnerminni 2013-imi ataatsimoortumik tapiissutaasussanut 1.011,8 mio. kr.-it aallaavigalugit 2,08 % -inik iluarsiiisuteqarput, taakkualu 2013-imi 21,0 mio. kr.-inik naleqarput.

2.1, 2.2 aamma 3.1 Akinut malinnaatitsinerit aamma inatsisit tunngavigalugit aningaasartuutissat nutaamik naliliiffigineqarneri

2.1 Ineqarnermut 2011-imi tapiissutit iluarsiivigineqarneri

2011-imi ineqarnermut tapiissutit naatsorsuutigisamiit appasinnerusimapput. Illuatungeriit isumaqatigiissutigaaat kommuninut ataatsimoortumik tapiissutit 6.825.000 kr.-inik appaavigineqassasut, 2011-imi atuinnermut naatsorsuutit tunngavigalugit.

2.2 Ineqarnermut 2013-mut tapiissutissat iluarsiivigineqarneri

2011-imi ineqarnermut tapiissutit naatsorsuutigisaniit annikinnerusimanerat tunuliaqutaralugu suliassaqarfimmut 2013-imi 3,0 mio. kr.-inik ikinnerusunik immikkoortitsisoqassaaq.

3.1 Siusinaarluni soraarnerussutisiat 2011 iluarsiivigineqarnerat

2011-imi siusinaarluni soraarnerussutisiat naatsorsuutigisaniit annikinnerungaatsiarsimapput. Illuatungeriit tamanna tunuliaqutaralugu isumaqatigiissutigaaat kommuninut ataatsimoortumik tapiissutit 14.162.000 kr.-inik 2013-imi appaavigineqassasut.

4. Meeqqanut inuusuttuaqqanullu ulloq unnuarlu angerlarsimaffiit – 2013-imut aningaasartuutissanut missingersuusiat

Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiup KANUKOKA-llu meeqqanut inuusuttuaqqanullu ulloq unnuarlu angerlarsimaffinnut 2013-imut aningaasartuutissanut missingersuusiat isumaqatigiissutigaaat.

Meeqqanut inuusuttuaqqanullu ulloq unnuarlu angerlarsimaffinnut kommunit ataatsimoortumik 2013-imi aningaasartuutissaat 143.152.000 kr.-inut missingersuusiorneqarput. 2013-imi ataatsimut aningaasartuutissani ilanngunneqarput 2011-imi atuinikinnerussutaasut 1.680.000 kr.-inik annertussuseqartut. Meeqqanut inuusuttuaqqanullu ulloq unnuarlu angerlarsimaffinnut ingerlatsinermi aningaasartuutit kommuninit aningaasalersorneqartarput, aningaasartuutillu 50 %-ii kommuninut ataatsimoortumik tapiissutit ilanngaavigineqarnerisigut aningaasalersorneqartarput, 50 %-illu kingulliit kommuninit meeqqanik inuusuttuaqqanillu najugaqartitsinerimut annertussusileriikkanik akiliuteqartitsisarnikkut aningaasalersorneqartarlutik.

Illuatungeriillu tamanna tunngavigalugu isumaqatigiissutigaaat 2013-imi siumoortumik akiliutaasus-sat 71.576.000 kr.-inik annertussuseqartut, taakkualu ataatsimoortumik tapiissutit ilanngaavigineqarnerisigut aningaasalersorneqassasut. Tamatuma kinguneraa ataatsimoortumik tapiissutit 76.000 kr.-inik appaavigineqarnissaat, tamannalu 2011-imi atuinikinnerussutaasunut sanilliullugu isigineqassaaq, aammalu ataatsimoortumik tapiissutit ilanngaavigineqarnerat 2013-imut ilanngunneqartoq, suliassaqarfimmut tassunga tunngatillugu 2012-imi isumaqatigiissuteqarnermut atatillugu.

5. Innarluutilinnut angerlarsimaffiit – 2013-imut aningaasartuutissanut missingersuusiat

Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiup KANUKOKA-llu 2013-imi innarluutilinnut angerlarsimaffinnik ingerlatsinermut aningaasartuutissanut missingersuusiat isumaqatigiissutigaa.

Innarluutilinnut angerlarsimaffeqarnermut kommunit ataatsimoortumik 2013-imi aningaasartuutissaat 129.848.000 kr.-inut missingersuusiorneqarput. 2013-imi ataatsimut aningaasartuutissanut ilanngunneqassapput 2011-imi atuinerussutaasimasut 1.684.000 kr.-it. Innarluutilinnut ulloq unnuarlu angerlarsimaffinnik ingerlatsinermut aningaasartuutit kommuninit aningaasalersorneqassapput, aningaasartuutillu 50 %-ii kommuninut ataatsimoortumik tapiissutit ilanngaavigineqarnerisigut aningaasalersorneqassallutik, 50 %-illu kommunit najugaqartitsinermut annertussusileriikkanik innarluutilinnut najugaqartinneqartunut tunngatillugu akiliuteqartarnerisigut aningaasalersorneqassallutik.

Iluatungeriillu tamanna tunuliaqutaralugu isumaqatigiissutigaaat siumoortumik akiliutaasussat 2013-imi 64.924.000 kr.-inik annertussuseqartut, taakkualu ataatsimoortumik tapiissutissat ilanngaavigineqarnerisigut aningaasalersorneqassallutik. Taamaattumillu ataatsimoortumik tapiissutit 1.782.000 kr.-inik ilanngaavigineqassappat, taakkualu 2011-imi atuinerussutaasimasunut sanilliullugit isigineqassapput, aammalu ataatsimoortumik tapiissutit ilanngaavigineqarnissaat, 2013-imut atatillugu 2012-imi isumaqatigiissuteqarnermi naatsorsuutigineqareersimasunut tunngatillugu.

6. Danmark-imi inissiisarnernut atatillugu aningaasat qitiusumi immikkoortitat

Innarluutilinnut atatillugu suliaasaqarfiup 2011-imi kommuninut nuunneqarnerani isumaqatigiissutigineqarpoq aningaasanut inatsimmi qitiusumik aningaasaliissutinik immikkoortitsisoqartalisasoq, kommuninut aningaasaqarnikkut tapiissutaasartussanik, innarluutilinnik immikkut akisuunik Danmark-imi inissiisoqartarneranut atatillugu. Aningaasaliissutit immikkoortitat konto-mi pingaarnermi 30.13.07 –mi, Danmark-imi inissiisarnermut atatillugu qitiusumik aningaasaliissutit inissiimapput.

Aningaasaliissutit immikkoortitat ataatsimoortumik tapiissutit ilanngaavigineqarnerisigut aningaasalersorneqartarput.

Innarluutilinnut tunngasumik suliaasaqarfiup kommuninut nuunneqarneranut atatillugu 2011-imi 10 mio. kr.-it immikkoortinneqarput. Taamaakkaluatorli 2011-imi aningaasaliissutaasuniit taamaallaat 3.974.000 kr. -it atorneqarput, taamaattumillu ataatsimoortumik tapiissutit 2013-imi 6.026.000 kr.-inik qaffanneqassapput, 2011-imi atuinikinnerussutaasimasut annertoqataannik.

2012-imut isumaqatigiissuteqarnermi aningaasaliissutit immikkoortitat 2012-imut 6 mio. kr.-inut annikillineqarput.

7. Ulloq unnuarlu angerlarsimaffinni najugaqartitsinernut annertussusileriikkamik akiliutaasartut

Illuatungeriit isumaqatigiissutigaat 100 %-imik annertussusileriikkamik akiliuteqartitsisarnermut ikaarsaarsinnaanerup qulaajaavigineqarnera ingerlatseqqinneqassasoq, ilassutitut isumaqatigiissuteqartoqarnissaa siunertaralugu.

8. Akileraartarnikkut aqqissuussinerup allannguuteqartinneqarneranut atatillugu ataatsimoortumik tapiissutit appaavigineqarnerat

Akileraartarnikkut aqqissuussinerup allannguuteqartinneqarnera Inatsisartut 2012-ip ukiaanerani ataatsimiinnerminnut atatillugu aalajangersaavigisaat tunngavimmigut Namminersorlutik Oqartusanut kommuninullu isertitassat allannguuteqarnissaannik kinguneqassanngilaq. Aningaasartuutisanut missingersuusiat allannguuteqannginnissaat angusinnaajumallugu kommuninut ataatsimoortumik 2013-imi tapiissutit 27,5 mio. kr.-inik, 2014-imi 30,3 mio. kr.-inik, 2015-imi 27,5 mio. kr.-inik aammalu 2016-imi 25,2 mio. kr.-inik ilanngaavigineqassapput.

Ilanngaatigineqartussat akileraartarnerup allannguuteqartinneqarneratigut kommunit isertitaqarnerulernissaannik naatsorsuutigineqartut annertoqatigivaat. Kommunini isertitaqarnerulissutaasut pingaarnertut nalikilliliisarnermut maleruagassat allangortinneqarnerisigut, aammali vakantertut ineqarnerisa akileraaruserneqartalernerisigut aammalu ernianit ilanngaatit nalingisa annikinnerulerinneqarnerisigut pissarsiarineqassapput.

Ilanngaatit pineqartut 27,5 mio. kr.-inik annertussuseqartut kommunit oqaloqatigineqareernerisigut agguaanneqassapput. Tamanna ilassutitut isumaqatigiissuteqarnissamik kinguneqarsinnaavoq.

9. Pissutsit allat

Ataatsimoortumik tapiissutissanut isumaqatigiissut una Namminersorlutik Oqartussat kommunillu akornanni isumaqatigiissutigineqartoq aningaasaliissutinik akuersissuteqartartut akuersinissaat apeqqutaatillugu isumaqatigiissutigineqarpoq.

Nuuk, ulloq 09. november 2012.



Maliina Abelsen
Aningaasaqarnermut
Naalakkersuisoq



Martha Abelsen
Kalaallit Nunaanni Kommuneqarfiit
Kattuffiat

GRØNLANDS SELVSTYRE
DE GRØNLANDSKE KOMMUNERS LANDSFORENING

Ilanngussaq 1. Aningaasartuutissanut missingersuusiorfimmi 2013-imi kommuninut ataatsimoortumik tapiissutissanut isumaqatigiissummi immikkoortut assigiinngitsut

	Aftale	--- mio. kr. ---		
	2013	2014	2015	2016
Aallaaviit 2012-imi isumaqatigiisut tunngavigalugu	1.156.646.000	1.155,4	1.155,4	1.155,4
1. Akinut akissarsianullu iluarsiiisutit	21.046.000	21,0	21,0	21,0
2.1. Ineqarnermut tapiissutinut iluarsiiisut 2011	-6.825.000	0,0	0,0	0,0
2.2. Ineqarnermut tapiissutinut iluarsiiisut 2013	-3.000.000	-3,0	-3,0	-3,0
3.1. Siusinaartumik soraarnerussutisianut iluarsiiisut 2011	-14.162.000	0,0	0,0	0,0
4. Meeqqanut inuusuttuaqqanullu ulloq unnuarlu angerlarsimaffiit	-76.000	-0,9	-0,9	-0,9
5. Innarluutillit angerlarsimaffii	-1.782.000	-0,9	-0,9	-0,9
6. Danmarkimi inissiisarnernut qitiusumi immikkoortitat	6.026.000	0,0	0,0	0,0
8. Akileraartarmikkut allanngiineq	-27.500.000	-30,3	-27,5	-25,2
Kommuninut ataatsimoortumik tapiissutit nutaat	1.130.373.000	1.141,3	1.144,1	1.146,4